

STJEPAN ŠKVORC

MATIJE GUPCA 37

40319 BELICA

Tel/ 040.845464.

Mob / 098.1668109

E-mail: stjepanskvorc953@gmail.com

## PEKEL V HIŽI

LICA:

MIŠKA: Barin muž

BARA: Miškina žena

IVAN: Miškin i Barin sin

MARA: Ivanova žena

TONI: Miškin i Barin sin

VERA: Tonijeva žena

*Radnja se zbiva u dnevnoj sobi. Uđe Bara , sjedne za stol i čita. Miška spava na divanu. On je svakodnevno pijan. Iznenada počinje buncati u snu.*

MIŠKA :Jaj, jaj ! Mir mi dejte! Na miru me pustite! Nejte me nikam vleči!

Krej od mene vi črni vrogi! Krej bežite i na miru me pustite!

BARA : ( *Priđe k divanu i budi ga.* ) Miška,Miška,zbudi se! Kaj to sejaš?

MIŠKA: Prosim vas, ma miru me pustite... Krej od mene.

BARA: Zbudi se!,, Doli boš z divana opal... Smiri se.

MIŠKA ( *Probudi se i sjedne.* ): Kaj me nacukovleš i nedaš mi mira dok spim?

Krej od mene beži kaj naš dobila.

BARA : Nikaj sam ti naprovila. Sejal si i kričal da te nešči nekam vleče.

Skorom si doli z divana opal.

MIŠKA ( *Ustane i prijete joj.* ):Ti boš meni lagala,ciganica jana? Videl sam jo da si me ti nacukovala i budila. Zakaj lažeš? Zakaj mi lažeš?

BARA : Tak dugo sam te ne popetala dok si ne počel kričati. Pogledni se kakši si. Od včara si se ne streznil, a tak je saki den. Drogec moj, preveč piješ. Boš videl, zmotalo bo ti se. Na dobro s tobom. Boš videl.

MIŠKA: Meni bo se zmotalo, meni ? Baba jana stora. Tebi se već na lieta meša. Znoš to. Sramota jana. Saki den v cirkvo hodaš, i ve ti meni vupaš govoriti da se meni meša.

BARA : Ne lažem ti drogi moj! Poveč ti meni, da si zodji pot bil trezen ? Jo toga dneva ne pantim da je to bilo. Prosim te. Nej na Boga huliti, a som vidiš da ti se počelo mešati.

MIŠKA ( *Ljutito ide prema njoj.*): Meni se meša? Meni se meša? Ti prasica

jana. Ti boš meni pamet solila. Dok te zgrobim, so te bom spotral.

*(Mahne rukom da je udari, no ona se izmakne i on padne.)* Jaj meni,

Jaj! Baba jana, kaj si ne na miroma stola? Mortik sam si rebra potral...

Barica, dej mi pomori kaj se stonem. Hodi me zdigni.

BARA: Tu ti je ve, ti pijandura jana. Ti bi mene bil, a jo kaj te zdiguvala?

Te ne sramota tak pijan biti? Jo bi se rajši v zid započila, a ne kaj bila

kak ti. Isuse blaga, kakši si!

MIŠKA : *(Vuče se na sve četiri i sjedne na divan.)* Dobila boš ti svoje, dobila!

Odmaj mi žganicu donesi. Čuješ ti mene? De je moj liter?

BARA: Tu ti je pod vajkušom flaša išče od snočka. Ne vrog da si se spil?

MIŠKA: *(Nade flaši pod jastukom.)* Oooo, Kaj je to? Niti pod jan zob. To si mi

ti spila . Nega niti dve deci. *(Ispije.)* Odmaj mi donesi punu flašu.

Čuješ kaj ti jo velim?

BARA: Prosim te, Miška, nej več piti. Boš hmrl od pijače.

MIŠKA: *(Baci praznu flašu na nju.)* To bi tebi pasalo. To kaj jo krepal!

To bi ti štela! Čekala boš jan čos dok vrog dojde po mene. Žejen sam. Piti mi donesi.

BARA: Za žeju se voda pije a ne žganica. Prosim te kak Boga, nej več piti.

Ako išče litra spiješ, žganica se vu tebi vužge.

MIŠKA: *(Digne se i ide prema njoj.)* Rekel sam ti, žganicu mi donesi!

Si gljuha kaj jo tebi velim?

*Ponovno padne.*

BARA : Božek sveti, dej jampot provo pamet ovomo mojemu čoveku.

MIŠKA : *(Hoda na sve četiri.)* Koga ti to prosiš kaj mi glovo ftrgne, koga?

Ti svetica sveta! V cirko hodaš , a piti mi ne daš ve dok si moram nekaj spiti. Čuješ ti mene, donesi mi žganico ili liter vina.

BARA: Sramota jana pijona. Pogledni se kakši si .Kak svija hodaš po četeremi. Te ne srom? Idem pozovem deco kaj te v ludnicu tpeljamo Kakši si... kakši si... Bože,Bože,na kaj si došel.

MIŠKA: (*Dovuče se do divana i sjedne.*): Baba jana. Kakša si ti žena a nečeš možu pomoči dok je v nevoli?

BARA : Dugo ti jo očem pomoči, sam ti to pomoć nečeš. Ve bom ti dola dobroga savjeta, a to bo ti odmaj pomoglo.

MIŠKA: Da čujem toga tvojega savjeta.

BARA: Nej bole bo ti kaj se spot posproviš. Dok se strezniš dospomenemo se kaj te tpeljam k doktoru kaj se alkohola stoviš.

MIŠKA: Mortik dobro veliš,Barica... Obećuvlem ti da več nam hmoji i s tobom se svadil... Prosim te, dej mi sam pol kupice žganice donesi, kaj mi na slabo došlo. Znom jo da ju ti imaš negdi skritu kaj si nogu maseraš... Dej mi sam malo, kaj si bor jezika namočim.

BARA: Nej ti bo. Malo bom ti donesla. (*Ode.* )

MIŠKA(*Veselo*): Znal sam jo da ju ima negdi skritu sam ju jo nebrem nojti.

BARA (*Vrati sa se čašom rakije, daje mu ali ga pita.* ) : Obećuvleš mi da peš zutra k doktoru?

MIŠKA: Se ti obećam kaj očeš, sam mi dej kaj si fletno spijem. Tak me peče v želocu... Prosim te, dej mi.

BARA : Na... Kaj boš se držal kaj si mi obećal.

MIŠKA (*Ispije.* ) : Jaj, kak je fina! Odmaj mi je leži... Kak je fina. Barica.

Donesi mi išče malo, Odmaj mi se v želocu popravilo.

BARA: Ne ga več. To je zodje kaj sam mela

MIŠKA: Bor tuliko mi donesi kak si mi ve. To bo mi dosta.

BARA: Nedam ti več. To si dobil za vročtvo. Več si zobil kaj si mi malo  
predi obečal ? Brni se i spot se pospravi kaj se strezniš.

MIŠKA: Baba jana! Vrog stori! Nedaš mi išče malo. Boš vidla ti, dok se jo  
naspim, dišel bom v krčmu i tam bom pil kuliko bom štel. Znoš ve.

*Okrene se i zaspi, Bara dođe k njemu,*

BARA: Zaspal je. Jaj meni. Nekaj bom morala žjim napraviti kaj se alkohola  
stovi. Jo več to nebrem magaditi. Se živce mi je spotral. Dok dojde  
Ivan i Mara, dospomenemo se kaj ga k doktoru tpeljamo.

*Ulaze Mara i Ivan.*

IVAN: Mama, nekaj splošeno zglediš. Kaj je bilo?

BARA: Stiha bodite kaj ga nate zbudili. Bogec moj, dvopot je opal tu v kuhji.  
Tak je pijan kaj niti stoti nebre.

IVAN: Več mi je puna glova jegovoga noreja i zijaja. Makar mi je japa komaj  
se zdržim kaj ga ne vudrim.

BARA: To nesmeš napraviti. Kakši je, tekši je, naš je. Nesmeš na jega roko  
zdiči. Japa ti je.

MARA: Mama. Nejte jih broniti. Zmislite se kuliko noći ste pri nas na katu  
spoli dok su došli pijani dimo s krčme. Cielo selo se z nas smeje kaj  
mu nebremo piti zabroniti. Sramotu nam delaju. Ve dok se zbude, ako  
nado šteli iti k doktoru z vami, pozovemu hitnu kaj ga na silo  
tpeljaju. Takšega pekla nema nišči pre hiži kak imamo mi. Ne znam

mama, kak imate tak joke živce i morete to trpeti.

IVAN: Dobro Mara veli. Mi tri se močimo kak črvi, a japa nam se v krčmu znosi i zapije, Jampot mora tomu dojeti kraj.

MIŠKA (*Počinje buncati i u snu i skoči s divana.*): Mir mi dejte!... Krej od mene!... Prosim vas, nejte me peljati sobom! Zakaj ste došli po mene? Nejdem jo z vami vu tu črnu grabu!... Nem i nem... Pustite me !s Prosim vas, pustite me!... Pustite me!

*Svi skoče da ga smire.*

BARA: Miška, Miška. Zbudi se. Mi smo s tobom.

MIŠKA: Krej od mene, vi črni vragi, krej od mene! Nate me tpeljali sobom . Bežite krej! Nejdem jo z vami, nejdem.

IVAN: Japa. Japa, to smo mi domoći. Kaj nas ne poznaš?

MIŠKA(*Dode k sebi.*): De sam to jo? Kam ste me to dopeljali?

BARA: Doma si... Blodiš... Rekla sam jo tebi da bo te pamet stovala.

MIŠKA: (*Odmakne se od njih.*) Koga pamet stovlja ? Mene ? Mene? Kaj ste me zbudili ... Lopovi jani... Vi ste mene gazdu vupali zbuditi.

MARA: Japa. Nišči vas je ne budil. Nekaj ste strašnoga sejali.

MIŠKA: Cigani jani nepošteni. Nikaj sam jo ne sejal. Bara, de je moja žganica? Kaj sam jo tebi zapovedal? Si mi donesla žganico?

*Ljutito ide prema Bari. Ivan stane pred njega.*

IVAN: Japa, stoj malo. Mamu pusti na miru.

MIŠKA: Kaj se ti tu ftičeš? Krej hodi... Stora, de je moj liter?

IVAN : Čuješ kaj jo tebi velim? Mamu pusti na miru. Od ve je dosta tvojega bnorevaja i napijovaja. Si me razmil?

MIŠKA: Ti boš meni komanderal, smrod jan? Marš krej od mene!

BARA: Prosim te kak Boga, dej se smiri. Idemo se blećemo, kaj te tpeljamo k doktoru. Radi tebe bomo si na živce zbetežali.

MARA: Dobro vam mama vele...

MIŠKA: Što je tebe kaj pital, ti sraka jana?

IVAN: Japa. Sedi si kaj bomo se na miru spominali.

MIŠKA: Nemam se jo kaj z vami spominati, živani jani nepošteni šteri mi piti nedate. Se vas more sramota biti.

BARA: Mara. Idi pozovi čerlenoga križa kaj ga v ludnicu tpeljaju, kaj se toga pekla rešimo od hiže.

MARA: Odmaj bom nazvola. ( *Želi uzeti mobitel iz džepa ali je Miška zaustavi.* )

MIŠKA: Nikoga naš ti nazvola, ( *Obrača se Bari.* ) Baba stora. Koga bi ti v ludnicu zaprla. Kak si to vupala reči. Gazdu hiže bi ti zaprla Mene? Mene? Ti bi mene med nore zaprla? Jo sam betežen? Ti,ti si na glovo betežna a ne jo. Dok te pogrobim, so te spoterem.

*Ljutito ide prema Bari. Ivan ga zaustavi.*

IVAN: Rekel sam ti, mami mir dej. Čuješ ti mene? Mami mir dej?

MIŠKA: A tak je to, Tak. I ti storom držiš .Si bi se vi mene šteli rešiti.

Nejde to sam tak. Nišči mene gazdu na nikam zapral niti od hiže natiral. Beži krej od mene. Čuješ kaj ti jo velim?

*Oni se naguravaju i Miška padne.*

IVAN: Jampot mora dojtí kraj tvojemu noreju. Kaj ti ne vidiš kam si došel polek toga prokletoga alkohola? Pogledni se kakši si. Hodi kaj te k

doktoru tpeljamo kaj ti se na do kraja zmešalo.

BARA ( *Pokušava ga podiči.* ):Dej kaj te zdignem.

MIŠKA: Na miru me pusti! Beži krej od mene. Svetica jana grešna, ti bi mene med nore zaprla. Ti bi štela kaj jo nori bil, kaj me v ludnicu zaprla. Ti si nora , a ne jo, đavol sveti. Tebe treba zaprti. Tebe.

( *Hoda po koljenima sklopljenih ruku.* )

Tak se ti vločiš po cirkvi, svetica grešna! Te ne sramota, ha te ne sramota? Dok dojdeš dimo, sam se z menom svodiš i piti mi braniš! Ti sveti vrog, bi mene med nore zaprla sam kaj me se rešila. Boga hodaš molit kaj jo čem predi crknem kaj se ti išče jampot ženila, coparnica sveta. To bi ti štela, to.

BARA: Nej na Boga blozniti! Božeka molim kaj ti to pijono glovo resvetli kaj dojdeš k pameti.

MIŠKA ( *Ustane.* ) : Lažeš, lažeš Ti boš meni lagala? Ti moraš iti k doktoru a ne jo. So pamet si svojom molitvom v cirkvi zgubila. Si tri ste vi nori a nejo. Morete zvati koga očete, mene na nišči nikam peljal, tak kaj bote znali! Mater vam vašu, što je gazda pre hiži, ha, što? Bogme, jo sam gazda, jo, a ne vi tri! Ve bo gazda dišel v krčmu, a vi morete iti k doktoru. ( *Odlazi.* )

BARA: Miška drogi i ljubljeni, nejdi nikam.(*Kad Miška ode.*) Deca moja, kaj bomo ve napravili? Dok dojde dimo do kraja bo nori.

IVAN: Idem jo za jim kaj ga dimo dovlečem.

MARA: Nejdi nikam. V krčmi bodo japa stopram joki.

BARA: Dobro Mara veli... Jaj meni i čoveku na kaj je došel.

( *Čuje se kucanje.*) Slobono. ( *Ulaze Toni i Mara.* )

TONI: Dobar dan.

MARA: Dobar dan.

*Svi im uzvrate pozdrav.*

TONI: O, si ste doma?

BARA: Si, sam ga Miške ne.

VERA: De pak su japa?

MARA: Kaj to pitaš? V krčmu su dišli.

BARA: Drogi moji, kakša strahota je malo predi tu govoril. Daj ga bili čuli, rekli bi da je pamet zgubil. Zlo je pri nas, zlo, veliko zlo. Pri nas je pekel v hiži. Vekši pekel kak vu provomu peklu.

MARA: Sejte si.

*Svi sjednu.*

IVAN: Brat, nevesta, Malo je falilo kaj sam se ne z japom bil. Daj ga bili vidli kakši je bil. Toni, to već je ne za magaditi. Se živce bo nam spotral.

BARA: Deca. Počelo mu se mešati. Dok spi,jo si mislim da nekše vroge vidi, i na glos kriči da ga vu veliku grabu vlečeju. Gotovo je, meša mu se od alkohola. Ponorel bo.

VERA: A zakaj ji k doktoru ne tpeljate?

MARA: Nedaju se. Vele da smo mi si nori, a ne oni.

TONI: A kaj veliste kaj japu probali splašiti?

IVAN: S kem bi mogli takšega pijonca splašiti? On drugo ne vidi sam kupicu

TONI: Jo si mislim kaj bi ga probali splašiti z vrogom šteroga vidi dok spi.

VERA: Ne razmim te kaj misliš s tem reči.

TONI: ( *Ustane.* ) Dobro me poslušajte. Jo bi se blekel kaj bil sličen k vrogu i dok bo japa spol , dojdem k jemu, zbudim ga i on bo mislil da vidi provoga vroga pred sobom. Kaj veliste?

BARA: A kaj bo ako mi se Miška tak sploši kaj hmerje?

MARA: Mama. Mogli bi probati. Mortik se japa splošiju i stoviju se pijače.

IVAN: Toni, dobro si se zmislil. Da bi to probali napraviti?

TONI: Ve odmaj. Japa ne zna da smo mi dvo pri vas i na nikaj sumljaj.

BARA: A kak boš se blekel kaj boš sličen k vrogu, kaj te japa na poznal?

TONI: Nekaj bomo našli. Ti Vera boš se blekla tak kaj boš slična k anđelu.

VERA: A zakaj bi se jo morala bleči v anđela?

TONI: Ve me dobro poslušajte. Vi tri bote počekali japu dok dojde dimo.

Čekali bomo ga makar do jutra. Dok dojde, doste mu piti kuliko bo štel. Mama, ti ga spot pospravi. Dok vi didete a japa zaspi, jo dojdem pred jega i rečem da sam došel po jega kaj ga v pekel tpejlam a malo potli dojdeš ti Vera oblečena kak anđel i mene natiraš nazoj v pekel a japi zapoveš da mora iti k doktoru na lečeje kaj se alkohola stovi.  
Kaj vi mislite?

BARA: Idemo probat. Huje nebre biti kak je ve.

VERA: Mara. Gori na nojži imate sako formo opravu kaj imamo na fašjek za maškore Ite se vi dvo blečite, a mi japu čekamo.

VERA: Imaš kaj bieloga kaj bom slična k anđelu.

MARA: Našla boš moju venčanu kijkljo. Kaj si naš zobila lice z belim pokriti kaj te japa na poznal.

TONI: Hodi Mara idemo se blečemo kaj bomo kredo. ( *Odu.* )

BARA: Daj drogi Bog dol kaj se Miška splašil i alkohola stavil.

MARA: Malo me je stroh kaj se nej japa tak splašili, kaj ga za srce zgrabilo. Kaj rečemo, od čega su hmrlji?

IVAN: Nebre se takši pijonec kak je on tak lefko splašiti. Tak bo došel pijan kaj za sebe na znal.

BARA: Dej Bog kaj na Tonija i Veru prepoznal.

*Čuje se pjesma. Dolazi Miška.*

BARA: Čujete. Ide. Ivan, imaš vino.

IVAN: Imam v lomoru skrito. Odmaj bom donesel.

*Ode i vrati se sa vinom i vodom.*

BARA: Mara. Dej kupice.

MARA: Odmaj mama.

*Donese čaše na stol.*

IVAN: Jo bom nam natočil, kaj bo japa mislil da mi pijemo.

*On natoči i svi uzmu čaše u ruke. Ulazi Miška i iznenadi se.*

MIŠKA: Oooo,glej, glej, si moji kuštejoki su na broju. Majku mu vidim. Vi pijete!?! Vi pijete? Kaj ste pamet zgubili? Slavite kaj?

BARA ( *Ustane, primi ga pod ruku i dovede do stola.*) Tebe smo čekali kaj bomo od denes si s tobom pili.

MIŠKA: Bara. Kaj to veliš? Ti to za ozbiljno ili se šoliš?

BARA: Ne šolim se drogi moj. Treba vživati dok smo na svietu. Zutra lefko hmerjemo. Pred smrt moramo si skupaj malo vživati. Dobro velim?

MIŠKA: Čujem jo to dobro? Sreća kaj sam v krčmi ne preveć pil, kaj bom mogel z vami. I ti sinek, i ti sraka boš z menom pila?

VERA: Pila bom japa. Provo vino smo za denes kupili. V krčmi ne pijete tak fino kak smo mi ve prepravili.

MIŠKA: Komaj jampot ste si pamet dobili. Tak mora biti.

IVAN (*Natače.*): Japa, boš čisto ili špricara?

MIŠKA: Kakšega špricara? Čisto natoči. Tu ga več dosta vode. Ako je jakše bole je hasnovito. Dejte kaj si trinknete z menom. To je život. Ve si provi moj sin, dok z menom piješ. Živeli.

*Nazdrave i piju. Dok ispiju Bara ga pita.*

BARA: Boš kaj jel kaj boš mogel bole piti? Kaj ti donesem?

MIŠKA (*Zagrlj Baru.*): Bara. Komaj jampot ti je Bog dol provo pamet. Viš kak je to liepo dok si skupaj pijemo, a ne dok ste na mene zijali i bronili mi piti. Tak mora biti! Bogme, nekaj ti je hasnilo kaj v cirkvo hodaš. Ve si prova žena, ve. (*Poljubi je.*)

IVAN: Sam pi, japa, kuliko očeš. Nej šporati. Pun sanduk je vina v palnici.

MIŠKA: Dej, Ivan, natoči išče janu. Sinek, to ti je prova rieč. (*Ispije.*) Bara, nam nikaj jel. V krčmi sam pojal jane ribice s fafaroni. Majku mu vidim ,nejde mi v glovo kaj se to z vami dogodilo kaj ste se i vi počeli piti... Ne važno. Glavno da se pije. Kaj spijemo si išče janu.

BARA: Ivan, natoči nam . Miška, pij kuliko očeš i moreš. Dok naš mogel zabadav bomo ti dovali.

*Ivan natoči ,nazdrave i ispiju.*

BARA: Bara. Vidiš kak je to liepo dok mi piti dovleš bez svoje i kriča. Tak sam truden. Dej me ve spot pospravi. Dok se naspim, bomo dale pili. Dobro?

BARA (*Vodi ga k divanu.*): Ti si sam leži i spi kak dugo očeš, a mi idemo vun na delo. Ne moraš se sločiti.

MIŠKA: Tak sam nekši zmočeni. Vi ite kam oćete, a jo bom si malo  
prespal kaj bom mogel dale z vami piti dok se zbudim. Ivan.

IVAN: Reči japa.

MIŠKA: Toga litra stavi tu na stolu kaj bo me čekal.

IVAN: Dok se zbudiš, jo bom donesel i drugoga litra kaj nam na sfalilo.

*Miška se okrene i zaspi.*

BARA: (*Bara ga pogleda.*) Zaspal je. Idemo ve stiha vun kaj ga namo zbudili  
*Na prstima odu. Ulazi Toni obučen da sličiči k vragu i zove Mišku..*

TONI: Miška, Miška, zbudi se! Miška, me čuješ? Zbudi se! Moraš iti z  
menom! Miška! Miška!

MIŠKA: (*Probudi se.*) Jezuš i Marija. Što je to tu. (*Ustane i udalji se od  
njega.*) Što si ti? Odkod si došel? Kaj oćeš od mene?

TONI: Miška, došel po tebe! Ideš z menom v jano liepo mesto.

MIŠKA: Nikam nejdem s tobom. Majku mu vidim, kaj je to. Odkod si ti  
došel? Kaj oćeš z menom?

TONI: Došel sam kaj te sobom tpeľjam v pekel. Čudaj pot si me videl  
dok si spol a ve sam tu polek tebe. Veliki si ti grešnik i duša ti  
je črna kak uĝlen i zoto moraš iti z menom v pekel.

MIŠKA: Ti si vrog? To nebre biti istina kaj vrog došel po mene! Nejdem jo  
nikam s tobom v pekel. (*Odlazi od njega.*)

TONI: Nej nikam bežati! Kesno je za tebe! Mogel si se popraviti dok te je  
žena prosila kaj naš na jo kričal i grdo ji govoril. Moram te v pekel  
tpeľjati de ti je mesto. Tam te bodo na faločke pomalim rezali, kaj  
bo te joko bolelo. Boš videl kak bo ti faj. Moramo iti, dok su  
vrota pekla otprta!

MIŠKA: Majka Marija i si sveci, pomorite mi, pomorite mi! Obećuvlem vam  
da bom se popravil, nam već pil niti na svoju dobro Baricu kričal.

Prosim vas, natirajte ovoga črnoga vroga od mene!

TONI: Tebi nebre nišči pomoči. Moramo iti. Ogej čeka! Boš videl kakša lepota i vručina je tam .

MIŠKA ( *Klekne i sklopi ruke.* ): Božek moj preljubljeni, pogledni kak te klečeč prosim kak sam te nigdor do ve ne! Otiraj ovoga črnoga vroga nazoj v pekel! Obečuvlem ti da več nam pil.

TONI: Ti si svoje spil. Pri meni v peklu boš žejen kak spužva a naš mel kupicu vode kaj si spil... Pekel boš se kak pajcek a naš mogel zgoreti. Dej roke kaj te z lancom svežem kaj mi naš opal dok bomo leteli v pekel.

*On mu veže ruke a ulazi Vera obučena da sličiči k anđelu.*

VERA: Beži, črni đavol , od ovoga grešnika. Denes ga naš v pekel peljal.

TONI: Što je tebe sim zvol? Ja ga moram ve odmaj tpeljati sobom.

MIŠKA ( *Klečeći dođe do anđela.* ) : Anđelek, moj liepi bieli anđelek, nedaj kaj me ov vrog tpelja v pekel. Prosim te , spasi me. Natiraj vroga nazoj v pekel.

VERA: Za istinu ti je duša puna grehov. V Petrovi knigi piše da si joko veliki grešnik. Nej vekši grieh ti je kaj preveć piješ, svodiš se ženom, sinom i snehom! Koneš tak joko kaj te tejam na nebo čujemo.

MIŠKA: Znom jo da sam veliki grešnik. Ne sam znal da vrog more dojtii po mene predi kak hmerjem. Mislil sam se jo pred smrt popraviti, no vrog je pre fletno došel po mene. Prosim te, moj anđelek čuvor, nedaj kaj me vrog živoga v pekel tpelja.

TONI: Ti si zrel za pekel. Niti tvoj anđel ti nebre pomoči.

VERA: Tak je kak on veli. Jo sam došel kaj te posvetim svetom vodicom kaj se naš prenogloma pekel dok dojdeš v pekel.

MIŠKA. Anđelek moj. Vidiš da sam ne joko stori i išče bi mogel na ovim svetu jan čos živeti. Moja Bara i deca bodo se joko plakali ako me nado doma našli. Obečuvlem ti da od denes več nam niti kapljicu nikšega alkohola v zobe prijal... Obečuvlem ti da nam Barici bronil v cirkvu hoditi, a jo pem sako nedelju v cirkvu i saki prvi petek pem na spoved. I na Mariju Bistricu bom išel.

TONI: Takši griešnik se nebre popraviti kak si ti.

VERA (*Škropi vruga svetom vodom.*): Beži črni đavol odkod si došel! Tvoje mesto je v peklo, a ovoga grešnika denes naš sobom tpeľjal Za jega bom se jo pobrigal. (*Vrag ode.*)

MIŠKA (*Ustane.*): Fola ti spasitelju moj kaj si me ne dol v pekel tpeľjati. Sreća kaj te sveti Peter pustil doli z neba. Ovo ti nam nigdor zobil. Ti boš videl z neba da kaj Miška obeća toga se i drži .

VERA: Ako se naš držal kaj si obećal, jo odmaj pošlem vroga po tebe.

MIŠKA:Naš ga moral pošiljati. Videl boš da bom od denes drugi čovek. Kaj mi ti zapoveš, jo bom se toga držal.

VERA: Dobro, verjem ti. Jo bom prosil svetoga Petra kaj ti nekaj grehi zbriše . Ovo si dobro zapamti. Od denes ne smeš alkohola pogledati a ne kaj pil. Na ženu ne smeš glosa niti roko zdiči, i moraš žjom sako nedelju k meši iti... Boš se mogel toga držati?

MIŠKA:Se sam si zapamtil, i sega bom se držal. Ti boš se z neba videl.

VERA: Dobro. Jo ve idem nazoj v nebo. Ve si poklekni, prektiži se, i zmoli janoga Oče-naša za pokoru.

*Anđeo ode. Miška klekne prekriži se i moli.*

MIŠKA: Fola ti, drogi Božek, kaj si pustil z neba mojega anđela čuvora. I tebi obečuvlem da bom od denes drugi čovek. Idem ve zmolim kaj sam dobil za pokoru.(*Prekriži se.*)Oče naš koji...

*On moli, Ulaze Ivan Vera i Bara,*

BARA: Miška moj drogi i ljubljeni, kaj klečiš tu na podu? Kaj si doli z divana opal? Segurno si nekaj grdoga sejal. Stani se.

MIŠKA ( *Ustane.* ) : Barica, deca moja , sam daj vi znali kaj se pri nas dogodilo! Skorom ste bez mene ostali.

BARA : Miška. Kaj z doma ideš?

IVAN: Japa. Nekši splošeni zglediš. Tak si strašno sejal?

MIŠKA: Verjite mi da sam ne nikaj sejal... K meni je došel vrog s pekla i anđel z neba... Malo predi sam se žjimi spominal.

VERA: Japa. To nebre biti istina kaj veliste.

MIŠKA: Istina je kaj vam povedam. Nej predi je došel vrog s pekla i štel me sobom v pekel peljati zoto kaj sam veliki grešnik i pijonec.

BARA: To ti je dobro rekel. Takšeg pijonca i grešnika ga ne na svietu kak si ti.

MIŠKA: Dragi moji, već me je vrog počel vezati z lancima kaj bo me v pekel peljal . Ja sam si mislil, gotovo je z menom i bil sam siguren da vas već nam nigdor videl . Na jampot se v hiži stvorli moj anđel čuvar. Ves je bil v belini i se se koli jega svetilo. Svetom vodom je poškropil vroga i natiral ga nazoj v pekel.

BARA: Eeee , Miška. Ne prepovedaj bedastoće. De to more biti istina , kaj pri nas bili ,vrog z pekla i anđel z neba? Rekel si da bomo si skup pili dok se zbudiš... Ja sam žejna, a ti?... Ivan. Natoči nam.

IVAN: Odmaj mama.

*Želi natočiti ali ga Miška zaustavi.*

MIŠKA: Ivan. Nej natakati. Ve me dobro poslušajte. Jo sam svojemu anđelu čuvoru obečal da od denes nikaj ne pijem. Barica. Obečal sam mu da ti već nam bronil v cirkvu hoditi , a kaj boš i to znola,

i jo od ve idem sako nedelju k meši s tobom.

MARA: Japa. Vi, to za ozbiljno mislite ili se šolite?

MIŠKA: Ne je nikša šola. Kaj Miška obeća, toga se i drži.

BARA: Vidiš drogi moj. Tvoj anđel čuvor ti je dol provo pamet . Fola ti Božek, kaj smo se pekla od hiže rešili, kaj bo i pri nas od denes mir, sloga i ljubav. Ne zmislím se da sam te zodji pot kušnula, no ve te moram kušnuti. (*Zagrli ga i poljubi.*)

*Svjetlo se gasi.*

KRAJ

**Sva prava pridržana. Ni jedan dio teksta na smije se kratiti, nadopunjavati, umnožavati ni u cijelosti ni djelomično reproducirati i izvoditi na pozornici bez prethodnog autorovog dopuštenja.**





